



Dopoldnja kolesowachu zapóslancy Alojs Mikławšk, Marko Šiman a Marja Michalkowa a wjesnjanošta Malešanskeje gmejny Matthias Seidel (wšity CDU, wotprawa) do Delnjeje Hórki, zo bychu awtozamkarnju Noberta Buderja wopytali. Z nim a mandźelskej Wiolu móžachu so serbsce rozmołwjeć a tak zhonichu, zo mějćel tež typiske NDRske modele reparuje. Foto: SN/MB

Zapóslancy z kolesom po puću byli

Rjemjeslnikow wopytali

Šunow (aha/SN). Wčera bě tomu pjaty raz, zo podaštaj so zapóslancaj Sakskeho krajneho sejma Marko Šiman a Alojs Mikławšk (wobaj CDU) z kolesom na puć poswojijaj wołbnymaj wokrjesomaj 52 a 53. „Naju prosće zajimuje, kotre starosće a problemy maja naši mali předewzaćeljo a rjemjeslnicy. Z nimi wo tym rěčeć a po móžnosći natře trěbne rozrisanje je namaj při tym wažne“, wobhladuje Mikławšk jako zaměr jeju rozmołwow. Jemu je tež wažne, něšto wo pozitiwnym wuwicu předewzaćelow zhoněć.

Wopytawši wčera dopoldnja zhromadnje Božu mšu w Budyšinje podaštaj so najprjedy k šěsć předewzaćelam wokolo Malešec. Hačrunjež zmoknyštaj, chcyštaj na kóždy pad wujednane terminy dypkownje dodžerjeć.

Popoldnju wopytaštaj jako přerjeho wuhoto-

warja rumnosćow Měrcina Šena w Šunowje. Jeju tam tohorunja wjesnjanošta gmejny Ralbicy-Róžant Hubertus Ryčer



Měrcin Šen zhladuje lěta hižo na 25lětnje wobstaće swjeho předewzaća. Jemu po boku je mandźelska Angelika, kotraž na přikład zawěški šije. Foto: A. Handrik

(CDU) witaše. Zhoništaj, zo Šunowčan lěta swoju firmu 25 lět wjedže. Po tym zo je w Kulowje pola Kobalcec powołanje polstrowarja nawuknył, je so w lěće 1988 zesamostatnił a wuspěšnje swoje pruwowanje jako mišter zložil. Po přewróće je swoje poslužby rozšěrjil, poskičejo tež kladženje špudowanjow, zawěški, dekoraciju bydlenjow kaž tež elementy, kotřež spožčeja chlědk. Swoje nadawki dostawa w blišej wokolnje přez doporučenja. „Dobre džělo so runje tak zadani kaž kwalitatiwnje hódny poskitk wužiwaneho materiala“, zhoništaj zapóslancaj. Při spjelnjenju džělowych nadawkow je jemu jeho mandźelska Angelika njeaparujomna podpěra. Wona je swój hobby, kreatiwnje ideje zwoprawdźić a wušiknje šic, sčiniła k powołanju. Tež jeju džowce, jedna je wuhotowarka rumnosćow w Drježdžanach, tamna je nutřkownu architekturu studowała, stej jimaj dobrej poradźowarce. Jenož, hdyž so do hód abo jutrow nadawki kopja, wužiwaja Šenecy pomoc třećeje firmy. Wólna, tola wunošna rozmołwa mjez zapóslancomaj, wjesnjanoštu a předewzaćelom wobsahowaše tež problemy dróhotwara a spěšneho interneta. Po rozmołwje podaštaj so zapóslancaj k wobsedźerjam firmy do Pěskec, Worklec a Chróšćic, zo byštaj kolesowanje pola člonow Lejnanskeho dumperoweho kluba w Zejicach zakónčili. Na rozmołwach wobdžělichu so nimo Hubertusa Ryčerja tež w swjich gmejnach wjesnjanošća Tomáš Čornak, Maćij Bryčka, Franc Brusk (wšity CDU) a Handrij Mikel (SSWZ).